

# **SAUDARA-SAUDARA - BERJIHADLAH KEPADA JALAN ALLAH**

## **SERUAN PENGASAS PERTUBUHAN ISLAM DI SELANGOR**

Suatu langkah yang cergas dan cermat untuk mendirikan sebuah pertubuhan Islam sedang berjalan di Selangor yang di tujuhan adalah semata-mata kerana memerhati mustahaknya pertubuhan itu bagi mengawal maslahat dan kedudukan orang Islam pada masa yang akan datang yang dari satu masa menurut pandangan penajanya. Langkah-langkah sedang di jalankan untuk menginggeriskan negeri ini. Nama tidak menjadi suatu masalah tetapi usaha dan kerja itulah yang sangat-sangat mustahak di jalankan dan adalah patut menjadi perhatian bagi tiap-tiap negeri di Persekutuan Tanah Melayu untuk menyertai seruan-seruan yang di keluarkan oleh penajanya Al-Faith Akhir bin Mat Shah Yang Di-Pertua jabatan agama Selangor. Kandungan siaran bagi tajaan yang sedang berjalan itu demikian bunyinya:-

Pertubuhan kebajikan Islam iaitu satu pertubuhan yang di harapkan boleh membela hak-hak Islam amnya dan khasnya orang-orang Melayu di dalam perjuangan yang hebat yang sedang berlaku pada masa sekarang ini. Maka jika di tanyai apakah sebabnya maka dikehendaki orang-orang Melayu dan Islam amnya bersatu dan bekerjasama dengan menubuhkan seperti yang dicadangkan itu. Maka jawabnya seperti yang berikut:

1. Adalah dasar Tersted Report yang berkenaan dengan tangga-tangga gaji orang yang bekerja dengan kerajaan itu hendak menginggeriskan negeri ini. ( )  
Sebab pun dikatakan begitu ialah kerana ukuran anggaran gaji sesatu bahagian pekerjaan dalam negeri ini diukur dengan berapa tinggi darjah bahasa Inggerisnya kerana hendak digunakan bagi satu-satu bahagian pekerjaan itu. Oleh yang demikian kebanyakkan daripada anak-anak kita Melayu dan orang-orang Islam telah terpengaruh dan berbuat-buat menuntut ilmu bahasa Inggeris sehingga tertinggallah ilmu agama dan bahasanya sekali. Perkara yang semacam ini tentulah akibatnya buruk kelak kepada orang-orang Melayu.

2. Dan dasar Barons Repot di atas pelajaran

itu ini pun suatu jajahan yang besar (jalan yang halus) bagi menolak orang-orang Melayu dan mengambarkan mereka meninggalkan bukan sahaja ilmu agama bahkan juga tulisan bahasa Melayu. Kerana di dalam rancangan ini diuntukkan masa yang sedikit sangat bagi pelajaran agama dan tulisan bahasa Melayu. Jikalau hal ini dibiarkan juga tentu sekali menambahkan akibat yang tidak baik kepada bangsa Melayu.

3. Cadangan hendak mengubah undang-undang yang bersangkutan dengan kerakyatan negeri Persekutuan Tanah Melayu ini, iaitu dengan jalan mengurangkan lagi masa bagi orang-orang dagang mendapat hak kerakyatan dan juga dengan maslahat meringankan berkenaan dengan bahasa supaya membolehkan mereka itu (orang dagang) dapat dengan lekasnya menjadi rakyat Persekutuan Tanah Melayu ini. Ini pun seperkara yang boleh mengecewakan anak-anak negeri Melayu ini jikalau tidak kita bersedia dengan (sekeras-kerasnya) selekas-lekasnya.

4. Undang-undang yang sudah di rangka dan dibaca kali yang pertamanya di dalam mesyuarat undangan berkenaan dengan

(sambungan pada muka 33)



*Sultan Hemengku Buwono Menteri Pertahanan dalam jemaah Menteri Wilopo sedang mengangkat sumpah di dalam istiadat sumpah setia baharu-baharu ini – gambar Airpost.*

(sambungan dari muka 3)

perkhidmatan umum itu. Inipun satu daripada tujuan-tujuan yang telah dikemukakan supaya siapa-siapa daripada orang dagang yang telah berkhidmat selama tiga tahun boleh dengan serta merta menjadi rakyat negeri ini. Perkara ini suatu sebab daripada sebab-sebab yang boleh membawa kecewa besar kepada orang-orang Melayu sekiranya kita tidak mengambil langkah yang saksama bagi menjaga hak-hak kita itu nescaya hanyutlah kita.

Inilah beberapa sebab daripada sebab-sebab yang nyata lagi besar yang mendorongkan saya membawa cadangan menu buhkan pertubuhan ini dan menjalarkannya sampai ke dalam-dalam kampung dengan menggunakan organisasi-organisasi yang sedia di suruh oleh Allah Taala supaya kita menggunakan nya di atasnya. Apa-apa juga soalan-soalan yang kita hadapi apakah dia gamaknya organisasi-organisasi itu tak lain tak bukan ialah masjid-masjid.

Di sini suka saya katakan satu daripada tujuan-tujuan pertubuhan ini yang tersebut di dalam undang-undangnya nombor 3 fasal 6 iaitu (bersedia dan menerima mengalakk an tujuan-tujuan kerajaan menuju kepada kemerdekaan negeri ini) jika sampai masanya kelak maka pertubuhan ini akan mengalakk an sekalian ahli-ahli kariah masjid lelaki dan perempuan

mendaftarkan namanya supaya dibolehkan mereka mengundi calon-calonnya yang bakal menduduki kerusi di dalam majlis-majlis bandaran, mesyuarat negeri dan juga mesyuarat undangan persekutuan, calon-calon ini akan di pilih daripada mereka-mereka yang berjiwa dan bersemangat Islam dengan tidak menghiraukan darjat kepandaianya di dalam bahasa Inggeris. Saya percaya bukannya jadi suatu syarat yang calon-calon itu mesti mempunyai darjat kepandaian bahasa Inggeris seperti M, A, B, B, L, L, B dan lain-lainnya. Tetapi yang menjadi syarat bagi kejayaan kita ialah jiwa dan semangat agama. Di dalam itu pun jika kita dapat calon-calon yang berilmu kepandaian semacam mana yang tersabit itu dan juga bersemangat dan berjiwa Islam maka mereka lah yang terlebih elok dicalonkan.

Saya percaya jika kita memandang kepada ilmu dan kepandaian dunia sahaja tak dapat tiada orang-orang Melayu dan orang-orang Islam akan kecewa. Lihatlah dunianya yang berlalu pada masa ini. Tidak kah banyak bilangan orang-orang Islam di dalam majlis undangan persekutuan tetapi mengapa boleh berlaku perkara-perkara yang berlainan dengan agama Islam seperti undang-undang loteri, permayam bunda dan lain-lainnya lagi daripada perkara-perkara yang tidak di sukai oleh agama Islam. Tidak kah yang demikian menunjukkan bahawa bilangan orang-orang

Islam yang mengandungi kerusi di dalam majlis itu tidak bersemangat dan berjiwa Islam yang sebenar. Maka barangkali timbulah satu soalan di hati tuan-tuan bukankah kita sudah ada satu pertubuhan di semenanjung ini. Sungguh pun ada pertubuhan kebangsaan di semenanjung ini tetapi pertubuhan pertubuhan itu setengah-setengahnya melanggar hukum Allah Taala seperti menjalankan loteri dan memungut wang dengan sandiwara – jika dimajukan juga perkara itu tentulah akan rosak jadinya dan bukannya mendapat kemenangan di dunia dan di akhirat. Demikian juga Yang Di-Pertua pertubuhan itu nampaknya cenderung kepada kecontohan dengan pertubuhan A – S – A – iaitu satu pertubuhan yang lain dasar dan tujuannya. Upacara pilihan raya bagi bandaran Kuala Lumpur sahaja sudah nampak kecewanya kepada bangsa Melayu. Kita jangan lupa perkataan Tuhan di dalam Quran yang bermaksud demikian:

Tidakkah kamu lihat berkali-kali kumpulan yang kecil lagi lemah itu memenangi yang besar lagi kuat – oleh kerana kumpulan yang kecil lagi lemah itu mengikut jalan yang diredhakan Allah. Maka Allah lah yang memenanginya.

Di dalam negeri Selangor rancangan saya bagi menubuhkan pertubuhan ini ialah semacam mana berikut. Tetapi bagi negeri masing-masing buatlah mana-mana jalan yang lebih munasabah mendapat kejayaan.

1. Mula-mulanya saya akan mengadakan mesyuarat di dalam tiap-tiap jajahan dengan menjemput sekurang-kurangnya lima wakil daripada satu-satu kariah masjid, wakil-wakil itu mengandungi imam, khatib, ketua kampung, penghulu-penghulu, guru-guru agama yang bertauliah dan dua atau tiga orang-orang Islam yang terkemuka di kampung itu. Di dalam mesyuarat itu saya akan menerangkan tujuan-tujuan pertubuhan ini dan juga menyatakan akibat-akibat yang buruk seperti yang tersebut atas tadi, selepas itu baharulah saya minta persetujuan mereka itu mencadangkan supaya didirikan pertubuhan ini dan dijalankan di dalam jajahan ini jika lau didapat persetujuan mereka dengan

undian yang ramai dan itulah yang diharapkan maka terdirilah pertubuhan itu.

2. Selepas itu baharulah dijalankan lantikan jawatankuasa jajahan yang mengandungi agaknya 9 orang mereka itulah yang akan menjadi penaja bagi mendirikan pertubuhan ini di dalam kariah-kariah masjid yang ada di dalam jajahan itu dan seterusnya tiap-tiap jajahan dilakukan seperti yang tersebut itu.

3. Di dalam mesyuarat itu juga akan di lantik 5 orang wakil yang akan menghadiri mesyuarat senegeri yang akan diadakan dalam bulan Syaaban ini jua insya-Allah Taala dan harus berlaku pada 15 Syaaban tahun 1371. Saya harap sekalian saudara-saudara saya di negeri-negeri lain berbuat seperti ini jua.

4. Di dalam mesyuarat negeri itu perkara-perkara yang akan dikemukakan ialah meminta persetujuan sekalian wakil-wakil

## CITY COMMERCIAL COLLEGE

**209, HAIG ROAD, SINGAPORE.**  
PHONE 81797.  
(Jalan masuk dari East Coast Road)

Tempat memberi pelajaran bagi tuan-tuan di dalam tiap-tiap masa. Tak Eprak Yating – setiap masa boleh menerima 200 orang pada satu masa. Kertas dan buku pelajaran percuma – bayarannya \$7 bagi tiap-tiap hari - \$5 tiga kali seminggu. Penuntut-penuntut \$4 bagi tiap-tiap hari pelajaran Ta'ipisat dan \$3 bagi penuntut-penuntut kolej ini. Pelajaran-pelajaran syurat Hindi, buka kemping, undang-undang perniagaan, bahasa (Latin, Melayu, Perancis, China, Hindi dan Belanda), Enginer yang pelajaran khas Inggeris malam (standard satu hingga 8) sekolah petang (primary hingga standard 8) senior cambrige dan pre senior.

Pelajaran-pelajaran diberi oleh guru-guru yang mahir. pelajaran-pelajaran khas dalam semua bahagian boleh diurus.

itu untuk mendirikan pertubuhan ini setelah itu maka dijalankan lantikan jawatankuasa negeri dan juga melantik sekurang-kurangnya 3 orang wakil bagi menghadiri mesyuarat pergabungan pertubuhan ini dengan pertubuhan-pertubuhan yang lain di dalam negeri masing-masing yang serupa tujuan dan dasarnya itu.

Besar harapan saya yang mesyuarat itu boleh diadakan lepas daripada bulan Ramadhan insya-Allah dan tentang nama dan perkataan-perkataan yang digunakan di dalam rang pertubuhan ini tak usahlah kita bincangkan dengan panjang asalkan maksud dan tujuan kita serupa, seperkara lagi yang saya tegaskan iaitu perkara ini sangat suntuk dan kita tidak mempunyai masa yang lanjut istimewa pula akibat-akibat yang buruk itu semakin besar dan mendalam maka tiada jalan lagi bagi kita melainkan hendaklah mengambil langkah dengan seberapa segeranya seperti yang saya katakan pukul kilat dan kita tidak harus berdiam diri lagi kerana kita akan bertanggungjawap bukan sahaja kepada Allah dan agama tetapi juga kepada anak-anak dan cucu-cucu kita yang akan datang kelak.

Perkara menubuhkan pertubuhan ini dan menjalankannya di negeri lain itu terpulanglah kepada pandangan dan fikiran saudara-saudara sekalian mana-mana yang munasabah dan sesuai dengan tempat masing-masing itu.

Sekianlah dimaklumkan wabillahi taufik waalayya al-takallan Wallahil hadi ila sawais sabil.

Klang

13 haribulan Rejab 1371

Yang benar

Faqih Akhir bin Mat Sya

tidak menjadi muzabzab (bermuka-muka dan tidak mempunyai pendirian). Kita mengetahui bahawa langkah-langkah yang segera telah dijalankan untuk mengadakan mesyuarat dari satu daerah kepada satu daerah, dan akhirnya mesyuarat itu ditamatkan di Kuala Lumpur pada 11 Mei 1952 yang di dalam mesyuarat itu nanti daerah-daerah itu akan diikat di atas satu nama untuk seluruh Selangor.

## GAMBAR KULIT

Bagi kali yang pertama di dalam tawarikh benua Asia seorang perempuan menjadi Yang Di-Pertua parlimen sesebuah negara iaitu tatkala Begum Shah Nawwaz, anak kepada al-Marhum Hayat Muhammad Sofi, menjadi Yang Di-Pertua Parliment Pakistan di Karachi pada 18 Mac 1952.



Sekianlah kandungan seruan itu. Langkah ini adalah sangat mustahak diperhati oleh kaum Muslimin di seluruh Semenanjung Tanah Melayu dan diambil perhatian yang berat kerananya. Mudah-mudahan umat Islam akan menyedari kepada cita-cita yang tersebut yang dijalankan dengan menggunakan "parti disiplin" yang sangat-sangat mustahak adanya supaya pengikut-pengikutnya

Diperbuat khas kerana:

**WILSON AGENCY,**

216, CHANGI ROAD,

SINGAPORE 14,

Phone 81793

Cawangan:

4, JALAN HAJI YAACOB,

JOHORE BHARU.